

- 1' Wer hat böß sitten vnd geberd
- 2' Vnd guckt wo er zûm narren werd
- 3' Der schlayfft die kappen an der erd



Von bosen sytten.

- 1 Vil gandt *gar stoltz* jn schuben har
- 2 Vnd werffent den kopff har vnd dar
- 3 Dann hyn zû tal / dann vff zû berg
- 4 Dann hyndersich dann überzwerg

1 gar stoltz] garsto ltz *GW5046*

5 Dann gont sie bald / dann vast gemacht
 6 Das gibt eyn anzeig vnd vrsach
 7 Das sie hant eyn lichtferig gmüt
 8 Vor dem man sich gar billich hütt
 9 Wer wiß ist / vnd güt sitten hatt
 10 Dem selv syn wesen wol an stat
 11 Vnd was der selv anfacht vnd düt
 12 Das dunckt eyn yeden wisen güt
 13 Die wor wisheyt vocht an mit scham
 14 Sie ist züchtig / still / vnd frydsam /
 15 Vnd ist jr mit dem gūten wol
 16 Des füllt sie got genaden vol
 17 Besser ist haben güt geberd
 18 Dann alle richtum vff der erd
 19 Vß sytten man gar bald verstat
 20 Was eyner jn sym hertzen hat
 21 Mancher der sytten wenig schont
 22 Das schafft er hat syn nit gewont
 23 Vnd ist gezogen nit dar zū
 24 Des hat geberd er / wie eyn kü
 25 Die best gezierd / vnd höchster nam
 26 Das sint güt sitten / zucht / vnd scham
 27 Zū gūtem sydt sich Noe zoch
 28 Doch schlüg jm Cham syn sūn nit noch
 29 Wer eynen wysen sūn gebert
 30 Der sytt / vernunfft / vnd wißheyt lert
 31 Der soll des billich dancken gott
 32 Der jn mit gnad versehen hat
 33 Syns vatters nase Albinus aß
 34 Das er jn nit hatt gzogen baß